

## **DECRETO NÚMERO 16001955 DO 15/03/2016**

**ILMO.SR. DON XOSÉ DANIEL PIÑEIRO VILLARES.- Tenente de Alcalde Delegado da Área de Desenvolvemento Sostible e Persoal, do Excmo. Concello de Lugo**

Visto escrito presentado por D. Eduardo Risco Bóveda, Presidente do Comité de Empresa do Excmo. Concello de Lugo, polo que solicita se declare a caducidade das Ofertas de Emprego Público sen executar dos anos 2008 e 2010, nas que se integran as prazas de Arquitecto/a e Arquivoiro/a, respectivamente e, se anulen as actuacións derivadas destas Ofertas de Emprego Público que están sen executar.

Visto escrito presentado por D<sup>a</sup> Teresa Rodríguez Chao, en calidade de membro electo do Comité de Empresa por CC.OO. do Excmo. Concello de Lugo, polo que interpoñe recurso potestativo de reposición contra o Decreto nº 16000394 do Tenente de Alcalde Delegado da Área de Desenvolvemento Sostible e Persoal, solicitando se dite resolución declarando a caducidade das Ofertas de Emprego Público dos anos 2008 e 2010 sen executar e se anulen as actuacións derivadas delas.

A Xunta de Goberno Local do Excmo. Concello de Lugo, en sesión ordinaria celebrada o día dezanove de maio de dous mil dez, adoptou o acordo nº 10/329 de aprobación da Oferta de Emprego Público para o ano 2010, figurando no anexo de dita oferta á seguinte praza: "Grupo A1. Escala de administración especial. Número de vacantes: 1 (quenda libre). Denominación: Arquivoiro/a."

Asi mesmo, a Xunta de Goberno Local, en sesión ordinaria celebrada o día 27.03.2013, adoptou o acordo de aprobación das bases específicas para o acceso en propiedade a unha praza de Arquivoiro/a pertencente ao cadro de persoal funcionario do Excmo. Concello de Lugo, quenda libre, incluída na referida Oferta de Emprego.

Polo Decreto da Alcaldía nº 13003254, do 08/04/2013 resolveuse convocar o proceso selectivo para o acceso en propiedade a unha praza de arquiviro, pertencente ao cadro de persoal funcionario do Excmo. Concello de Lugo, quenda libre.

Polo Decreto nº 13007331 do 23/07/2013, resolveuse aproba-la lista provisional de admitidos e excluídos (con indicación do motivo de exclusión) no citado procedemento selectivo convocado polo Decreto 13003254 de 08.04.2013 obrante no Libro de Resolucións e publicado no Boletín Oficial da Provincia de Lugo nº 090, do 19 de abril de 2013.

Polo Decreto número 14000117 do 9/01/2014 resolveuse suspender o proceso selectivo convocado polo Decreto da Alcaldía nº 13003254, do 08/04/2013 para o acceso en propiedade a unha praza de arquiviro, pertencente ao cadro de

## **PERSOAL**

MLP/egp

Refª: 16drcadofertaemprego2010-arquiveiro

Asunto: caducidade oferta emprego

persoal funcionario do Excmo. Concello de Lugo, quenda libre, en tanto non se produza a resolución do recurso contencioso-administrativo nº 135/2013 interposto por dona Mª Jesús Saavedra Carballido, contra o Decreto nº 13003254, do 8 de abril de 2013.

Vista sentenza do T.S.X de Galicia de seis de maio de dous mil quince no recurso de apelación 47/2015 contra a sentenza 163/2014, dictada no procedemento abreviado 135/2013, en cuxo fallo se desestima o citado recurso e se confirma a sentenza do xulgado do contencioso administrativo nº 2 de Lugo de 8 de agosto de 2014, polo Decreto 15004241 do 25/05/2015, resolveuse levantar a suspensión disposta polo Decreto 14000117 de 9/01/2014 no proceso selectivo convocado por este Concello polo Decreto da Alcaldía 13003254, do 8/04/2013 para o acceso en propiedade a unha praza de Arquivo/a, pertencente ao cadro de persoal funcionario do Excmo. Concello de Lugo, quenda libre, continuando con dito proceso.

Por acordo 10/847 da Xunta de Goberno Local, do 16.12.2015, foron designados os membros do Tribunal cualificador de dito proceso selectivo.

Visto que segundo o Estatuto Básico do Empregado Público regulado na Lei 7/2007, de 12 de abril, aplicable ó suposto que nos ocupa (na actualidade Real Decreto Legislativo 5/2015, de 30 de outubro, polo que se aproba o Texto Refundido) ao regular no artigo 70.1 a Oferta de Emprego Público, impón ás Administracións Públicas a obriga de convocar os correspondentes procesos selectivos para proveer as prazas ofertadas. Así dispón que “En todo caso, la ejecución de la oferta de empleo público o instrumento similar deberá desarrollarse dentro del plazo improrrogable de tres años”.

Considerando a Sentencia do Tribunal Superior de Xustiza de Galicia, de data do 5 de xuño de 2014, nº 00380/2014, cuxos razoamentos xurídicos son transcritos textualmente no escrito presentado pola central CC.OO, en relación co asunto que nos ocupa sinala que “al haber transcurrido siete años desde la aprobación de la OEP hasta las convocatorias impugnadas, se ha superado ese plazo de tres años”.

Esta Concellería, en virtude das atribucións conferidas á Alcaldía e á Xunta de Goberno Local polos artigos 124 e 127 da Lei 7/1985, do 2 de abril, reguladora das bases do réxime Local, así como das delegacións efectuadas polo acordo número 4/455, adoptado por dito órgano na sesión extraordinaria e urxente celebrada o 7-7-2015, e polo Decreto número 15010037, ditado o 7-12-2015,  
**RESOLVE:**

Primeiro.- Declarar caducada a Oferta de Emprego Público do ano 2010, na que se integra unha praza de Arquivo/a, deixando sen efecto o proceso selectivo convocado polo Decreto 13003254 do 08/04/2013, para o acceso en propiedade a unha praza de Arquivo/a pertencente ao cadro de persoal funcionario do Excmo. Concello de Lugo, quenda libre, así como todas as actuacións que del traian causa.

**PERSOAL**

MLP/egp

Refª: 16drcadofertaemprego2010-arquiveiro

Asunto: caducidade oferta emprego

Segundo.- A praza de Arquiveiro/a incluída na Oferta de Emprego Público declarada caducada, será incluída na Oferta de Emprego Público do ano 2016, para proceder a unha nova convocatoria de proceso selectivo para a cobertura desta praza.

Terceiro.- Déase traslado do presente Decreto aos interesados coa expresa indicación de que contra esta resolución poderá interpoñerse recurso contencioso-administrativo nun prazo de DOUS MESES, contados a partir do día seguinte ó da notificación do presente acto, o cal pon fin á vía administrativa (artigo 46 da Lei 29/1998, do 13 de xullo), ante o xulgado do contencioso administrativo (artigo 8 da Lei 29/1998, do 13 de xullo) de Lugo, ou, a elección do demandante, ante aquel na circunscrición do cal teña o demandante o seu domicilio, cando o recurso teña por obxecto actos de materia de persoal, propiedades especiais e sancións (artigo 14 da Lei 29/1998, do 13 de xullo). Malia o anterior, e con carácter previo, contra a presente resolución poderá interpoñerse o recurso potestativo de reposición previsto no artigo 116 da Lei 30/1992, do 26 de novembro, no prazo de UN MES, contado dende o día seguinte ó da notificación do presente acto, sen prexuízo de que poida interpoñerse calquera outro recurso ou reclamación que estime conveniente ó seu dereito.